

برتايخ 24 محرم 1438 / 25 اكتوبر 2016

[JMJ.35/04/01/6/39; PUNJ.PP 950-6/WR/1010]

دغن تينته،

داتوء حاج محمد تحرير بن داتوء حاج شمس الدين،

مشتي نكري جوهر

ENAKMEN PENTADBIRAN AGAMA ISLAM

(NEGERI JOHOR) 2003

PEMBERITAHUAN FATWA DI BAWAH SUBSEKSYEN

48 (6)

Pada menjalankan kuasa yang diberikan oleh seksyen 47 Enakmen Pentadbiran Agama Islam (Negeri Johor) 2003 (Enakmen 16 Tahun 2003), Jawatankuasa Fatwa bagi Negeri Johor, atas perintah dan perkenan Duli Yang Maha Mulia Baginda Tuanku Sultan, menyediakan fatwa yang dinyalakan dibawah dan disiarkan menurut subseksyen 48(6) Enakmen itu.

1. Adalah ditetapkan bahawa umat Islam di negeri Johor Darul Ta'zim hendaklah hanya mengikut ajaran Islam yang berasaskan pegangan Ahli Sunnah Wal Jamaah, dari segi akidah berpandukan kepada mazhab Imam Abu Hasan Al-Ashari dan Abu Mansur Al-Maturidi, syariat berpandukan kepada mazhab Imam Syafie. Walau bagaimanapun, tiga mazhab yang muktabar iaitu Al-Hanafi, Al-Maliki, dan Al-Hanbali boleh dirujuk dan digunakan dalam menyelesaikan masalah-masalah tertentu dan dari segi tasawuf hendaklah berpegang dengan Imam Junaid Al-Baghdadi dan Imam Al-Ghazali. Walau bagaimanapun, mazhab tasawuuf muktabar yang lain boleh diamalkan selagi ianya tidak bertentangan dengan mazhab Ahli Sunnah Wal Jamaah.
2. Bahawa fahaman atau ajaran Wahhabi adalah bercanggah dengan pegangan Ahli Sunnah Wal Jamaah yang menjadi teras pegangan dan amalan masyarakat Islam di negeri Johor Darul Ta'zim.
3. Fahaman atau ajaran Wahhabi perlu dicegah keseluruhannya dari berkembang di negeri Johor Darul ta'zim kerana ia boleh menimbulkan kecelaruan dan menjadi ancaman kepada keutuhan

- pegangan agama, perpaduan ummah, perpaduan bangsa dan keamanan serta keselamatan Negara.
4. Ciri-ciri fahaman atau ajaran Wahhabi adalah seperti berikut:
 - (1) Fahaman dari sudut akidh antaranya:
 - (a) Membahagikan Tauhid kepada 3 bahagian iaitu :
 - i. Tauhid Rububiyah – dengan tauhid ini, mereka mengatakan bahawa orang kafir juga mempunyai tauhid.
 - ii. Tauhid uluhiyyah – dengan tauhid ini, mereka menafikan tauhid umat Islam yang *bertawasul*, *beristighasah*, dan *bertabarruk* sedangkan ketiga-tiga perkara tersebut diterima oleh majoriti ulama Islam khususnya ulama' empat mazhab.
 - iii. Tauhid Asma' dan As-Sifat – kefahaman mereka terhadap tauhid ini dengan mengisbatkan sifat-sifat Allah dalam ayat-ayat mutasyabihat boleh membawa kepada fahaman *Tajsim* dan *Tasybih*.
 - (b) Menyatakan bahawa Abu Jahal dan Abu Lahab mempunyai pegangan tauhid yang lebih betul dan lebih murni keyakinan mereka daripada umat Islam yang bertawasul dengan para aulia' dan solihin.
 - (c) Menolak Al-Asya'irah dan Al-Maturidiyah yang merupakan pegangan majority ulama' Islam dalam perkara akidah.
 - (d) Menolak dan menganggap pengajian sifat 20 sebagai satu konsep yang bersumberkan falsafah Yunani dan Greek.
 - (e) Menganggap syirik amalan-amalan Ahli Sunnah Wal Jamaah seperti tawasul, tabarruk, istighasah, dan selawat-selawat yang mengandungi pujian kepada Rasulullah SAW seperti selawat Syifa' dan Tafrijiah.
 - (f) Memahami ayat-ayat mutasyabihat secara zahir nas ayat tanpa huraian terperinci daripada ulama' muktabar dan menolak takwil dalam bab mutasyabihat.

- (g) Mudah dans erring mendakwa bahawa ramai umat Islam membuat amalan syirik.
- (2) Fahaman dari sudut bidaah. Mereka yang berpegang dengan fahaman Wahhabi ini mudah untuk membidaahkan pelbagai amalan Ahli Sunnah Wal Jamaah yang bersifat khillafiah sebagai melakukan bidaah dholalah. Di antara amalan yang didakwa sebagai bidaah dholalah ialah:
 - (a) Membaca talqin
 - (b) Membacatahlil untuk si mati yang dikenali sebagai "kenduri arwah"
 - (c) Membaca surah Yasin pada amlam Jumaat
 - (d) Membaca Qunut pada solat Subuh
 - (e) Amalan menghadihkan pahala kepada si mati melalui bacaan Al-Quran, jamuan makan, dan sebagainya
 - (f) Menyambut sambutan Maulidur Rasul SAW
 - (g) Membaca surah Yasin sebanyak 3 kali pada amlam Nisfu Syaaban
 - (h) Membaca Al-Quran diatas kubur
 - (i) Solat tarawih sebanyak 20 rakaat
 - (j) Membaca wirid dan zikir secara beramai-ramai selepas solat fardu
 - (k) Berdoa beramai-ramai selepas solat berjemaah
 - (l) Menyapu muka selepas memberi salam kedua
 - (m) Dua kali azan pada solat Jumaat
 - (n) Menyebut lafaz "usolli" ketika niat solat
 - (o) Membaca bismillah secara kuat, nyaring dalam solat fardu
 - (p) Solat sunnat Qobliah sebelum solat Jumaat
 - (q) Solat hajat secara berjemaah
 - (r) Bersalaman selepas solat berjemaah
 - (s) Solat sunnat Qobliyah sebelum solat fardu Maghrib.
- (3) Sikap dan sifat yang melampau (ektrem) Wahhabi, antaranya :
 - (a) Menolak beramal dengan hadis dhaif
 - (b) Sering menganggap hadis dhaif ebagai hadis maudu'
 - (c) Memkasa orang lain mengikut pendapat emreka
 - (d) Sering memperlekeh dan merendah-rendah martabat para ulama'

- (e) Menolak fahaman bermazhab kepada imam-imam yang empat. Pada hakikatnya mereka membawa fahaman “tanpa mazhab”.
 - (f) Sering mendakwa orang yang bermazhab sebagai taksab mazhab
 - (g) Menghilangkan kesan-kesan sejarah para anbiya’, ulama’, dan solihin dengan dakwaan menghindari syirik.
 - (h) Sering mengungkit persoalan khilafiah
 - (i) Menganggap apa yang mereka amalkan adalah sunnah dan amalan orang lain adalah bidaah dholalah.
 - (j) Melakukan perubahan kepada kitab-kitab turath yang tidak sehaluan dengan mereka.
5. Oleh yang demikian, Jawatankuasa Fatwa Negeri Johor, mengambil keputusan bahawa fahaman atau ajaran Wahhabi sebagaimana yang dinatakan dalam perenggan 4 adalah dilarang. Larangan ini meliputi :
- i. Mana-mana orang Islam secara individu atau berkumpulan adalah dilarang berpegang atau menjadi pengikut ajaran Wahhabi dan sesiapa yang melakukannya adalah disifatkan mengamalkan ajaran, pegangan, dan fahaman yang ebrancang dengan mazhab Ahli Sunnah Wal Jamaah.
 - ii. Mana-mana orang Islam samaada secara individu atau berkumpulan yang mengajar, menganjur, belajar mengadakan, membantu menjayakan apa-apa majlis yang boleh dikaitkan dengan fahaman Wahhabi adalah melakuakn kesalahan.
 - iii. Apa-apa jua bahan hiburan dan sebaran yang menonjolkan ajaran, pegagan, atau fahaman Wahhabi dalam apa jua bentuk penerbitan dan cetakan atau siaran dalam mana-mana laman sesawang, blog, facebook, twitter, atau media sosial lain adalah ditegah.
 - iv. Mana-mana orang Islam dilarang memiliki, menyimpan, mencetak, menjual, atau mengedar filem, rakaman audio atau visual, risalah, buku-buku, majalah atau apa-apa dokumen yang boleh mengaitkan ajaran dan fahaman Wahhabi.

- v. Mana-mana orang Islam adalah dilarang dan ditegah daripada memberi apa jua kemudahan, sumbangan, dan bantuan kepada golongan Wahhabi ini daripada mengamal, menyebarkan, dan mengembangkan fahaman dan ajaran Wahhabi di Negeri Johor.

6. Mana-mana orang Islam samaada secara individu atau berkumpulan yang melakukan perkara-perkara dalam perenggan 5 adalah melakukakn suatu kesalahan dan boleh diambil tindakan di bawah undang-undang yang berkuat kuasa di Negeri Johor.

Bertarikh 24 Muharam 1438/ 25 Oktober 2016
[JMJ. 351/04/01/6/39; PUNJ.PP 950-6/WR/010]

Dengan Titah,
DATO’ HAJI M. TAHRIR BIN DATO’ HAJI
SAMSUDIN
Mufti Negeri Johor

CIK SHUBANAH BTE YUSUF
Jurutulis Majlis Mesyuarat Kerajaan Johor



PRINSIP AKIDAH AHLI SUNNAH WAL JAMAAH (ASWJ) DALAM WARTA KERAJAAN NEGERI JOHOR (25 OKTOBER 2016)

TEAM R&D
JABATAN AGAMA ISLAM NEGERI JOHOR
BAHAGIAN PENYELIDIKAN
Aras 1, Blok A, Pusat Islam Iskandar Johor,
Jalan Masjid Abu Bakar, Karung Berkunci 725, 80990
Johor Bahru, Johor.
Telefon : 07-228 2944 Faks : 07-2244244
Email : bahagianpenyelidikan@gmail.com
Facebook : <http://Jainj.johor.gov.my/>